



## XALQ DEPUTATLARI QO'SHRABOT TUMAN KENGASHI QARORI

140900, Qo'shrabot sh., G'afur G'ulom ko'chasi, 3-uy, tel: (0-366) 646-15-18, e-mail: [qoshrabot.t@exat.uz](mailto:qoshrabot.t@exat.uz)

2022 йил «4» февраль

VI-37-23-7-97-K/22

Қўшработ туман ҳокимлиги

### **Qo'shrabot tuman 19, 56, 57, 68-umumta'lim maktablariga direktor lavozimlari uchun o'tkazilgan tanlov natijalari to'g'risida**

O'zbekiston Respublikasi Prezidentining 2020-yil 6-noyabrdagi "O'zbekistonning yangi taraqqiyot davrida ta'lim-tarbiya va ilm-fan sohalarini rivojlantirish chora-tadbirlari to'g'risida"gi PF-6108-son Farmoni 11-bandiga asosan, 2021-yil 1-yanvardan boshlab umumta'lim muassasalari direktorlarini lavozimga tayinlash hamda ish beruvchining tashabbusiga ko'ra lavozimidan ozod etishning Qoraqalpog'iston Respublikasi Xalq ta'limi vazirligi, viloyatlar boshqarmalari va Toshkent shahar bosh boshqarmasi tomonidan tegishli xalq deputatlari tuman (shahar) Kengashlari bilan kelishilgan holda amalga oshirish tartibi joriy qilingan.

Samarqand viloyati xalq ta'limi boshqarmasining Qo'shrabot tuman **19, 56, 57, 68-umumta'lim maktablariga direktor lavozimiga nomzodlarni ko'rib chiqish to'g'risidagi** 2021-yil 23-dekabr 262-K-sonli, 2021-yil 23-dekabr 267-K-sonli, 2022-yil 17-yanvar 6-K-sonli va 2022-yil 17-yanvar 7-K-sonli, xatlari kelib tushgan.

Tuman **19, 56, 57, 68-umumta'lim muassasalarining bo'sh direktorlik lavozimlari uchun tanlov natijalariga ko'ra**, O'zbekiston Respublikasi "Mahalliy davlat hokimiyati to'g'risida"gi Qonunining 6-moddasiga muvofiq xalq deputatlari tuman Kengashining VI chaqiriq, XXXVII sessiyasi

### **QAROR QILADI:**

1. Samarqand viloyati xalq ta'limi boshqarmasining Qo'shrabot tuman **19, 56, 57, 68-umumy o'rta ta'lim maktablariga direktor lavozimiga nomzodlarni ko'rib chiqish to'g'risidagi** 2021-yil 23-dekabr 262-K-sonli, 2021-yil 23-dekabr 267-K-sonli, 2022-yil 17-yanvar 6-K-sonli va 2022-yil 17-yanvar 7-K-sonli xatlari ma'lumot uchun qabul qilinsin.

2. **19, 56, 57, 68-umumta'lim muassasalarining direktorligi uchun nomzodlarning**

tegishli umumta'lim muassasasi ko'rsatgichlarini kelgusi 3 yilda yuqori darajaga olib chiqish bo'yicha dasturlari ma'lumot uchun qabul qilinsin.

3. Tuman **19, 56, 57, 68**-umumta'lim muassasalarining bo'sh direktorlik lavozimlari uchun tanlov natijalariga ko'ra, quyidagilar:

tuman **19**-umumta'lim maktabi direktori lavozimiga **Mardanov Uktamjon Rustamovich** nomzodi deputatlar muhokamasi asosida tasdiqlansin;

tuman **56**-umumta'lim maktabi direktori lavozimiga **Shodmonov Shavkatillo Toshboyevich** nomzodi deputatlar muhokamasi asosida tasdiqlansin;

tuman **57**-umumta'lim maktabi direktori lavozimiga **Boliqulov Amirqul Xoldorovich** nomzodi deputatlar muhokamasi asosida tasdiqlansin;

tuman **68**-umumta'lim maktabi direktori lavozimiga **Jovbo'riyev Xudoyberdi Yarlayevich** nomzodi deputatlar muhokamasi asosida tasdiqlansin.

4. Tuman hokimining o'rinbosari (X.Kubayev) hamda tuman xalq ta'limi bo'limi (X.Xoliqulov)ga:

- tuman xalq deputatlari Kengashi doimiy komissiyalari raislari bilan birgalikda bir oy muddatda tumandagi ta'lim sifati past bo'lgan 56-umumta'lim maktabi jamoasi faoliyatini o'rganish ishlari bo'yicha 56-umumta'lim maktabiga tashrif tashkil etisin;

- tuman xalq deputatlari Kengashi doimiy komissiyalari raislari bilan kelishilgan holda I yarim yillik yakuniga qadar, tumandagi O'zbekiston Respublikasi Vazirlar Mahkamasi huzuridagi ta'lim sifati nazorat qilish davlat inspeksiyasi tomonidan e'lon qilingan ta'lim muassasalarining Milliy reyting natijalari tahliliga ko'ra, tumandagi reyting natijasi past bo'lgan umumta'lim maktablari jamoalari faoliyatini o'rganish ishlari bo'yicha tashriflarning manzilli yo'l xaritasini ishlab chiqsin

5. Mazkur qaror nusxasi viloyat xalq ta'limi boshqarmasiga taqdim etilsin.

6. Mazkur qaror ijrosini nazorat qilish xalq deputatlari tuman Kengashining Yoshlar siyosati, xotin-qizlar va gender tenglik masalalari bo'yicha doimiy komissiya raisi S.Tursunova va tuman hokimining o'rinbosari X.Kubayev zimmasiga yuklatilsin.

Tuman hokimi



X.Okbutayev